




**PARLAMENTO
NACIONAL**
República Democrática de Timor-Leste

Comissão de Educação, Juventude, Cultura e Cidadania



RELATORIU

FISKALIZASAUN IHA MUNISIPIU COVALIMA

Ano 2018

INDISE

Numeru	Pajina
PAJINA TITULO.....	i
INDISE.....	ii
I. Intrudusaun.....	1
1.1. Enkuadramentu Legal.....	1
1.2. Area Fiskalizasaun.....	1
1.3. Objetivu Fiskalizasaun.....	1
II. Kompozisaun.....	2
III. Atividades.....	2
3.1. Vizita eskola Basiko Filial Kamnasa.....	2
3.2. Vizita EBC Suai Loro.....	3
3.3. Vizita EBC Salele.....	4
3.4. Vizita eskola TECVOC Akar Laran.....	4
3.5. Vizita EBC Taziilin Zumalain.....	5
3.6. Vizita EBF Nala'of.....	5
3.7. Vizita EBF Zulo-Zumalai.....	6
IV. Konkluzau no Rekomendasaun.....	6
4.1. Konkluzau.....	6
4.2. Rekomendasaun.....	6
V. Aprovasaun.....	7
VI. Lian Ikus.....	7



**PARLAMENTO
NACIONAL**
República Democrática de Timor-Leste

**Komisaun Edukasaun, Juventude, Kultura no Sidadania
RELATÓRIO VIZITA BA MUNISIPIU COVALIMA**

I. Introdusaun

1.1. Enkuadramentu Legal

Bazeia ba artigu 92 no 95, Konstituisaun RDTL, defini no fo kompetensia ba Parlamentu Nasional nudar orgaun soberania Republika Demokratika Timor Leste nebe'e reprezenta Timor oan tomak, nebe'e iha kbi'it halo lei, atu fiskaliza no halo desizaun politika nasaun nian. Nune'e mos, tuir Rejimentu Internu Parlamentu Nasional artigu 35 "Kompetensias Komissoens Especializadas Permanentes" no bazeia ba despaixu Presidente Parlamentu loron 04 fulan outubru tinan 2018, maka fo biban ba Komisaun Edukasaun, Juventude, Kultura no Sidadania; Komisaun G hodi halo vizita ba Munisipiu **Covalima**, hahu iha loron 06 to'o loron 10 fulan novembru 2018.

1.2. Area Fiskalizasaun

Delegasaun hala'o fiskalizasaun ba área nebe mak kompetensia Komisaun Edukasaun Juventude Kultura no Sidadania. Maibe Komisaun foka liu ba parte edukasaun baziku.

1.3. Objetivu Vizita

Objetivu husi fiskalizasaun ne'e:

- Hala'o enkontru ho entidades relevantes iha diresaun edukasaun kona ba programas no implementasaun ezekusaun Orsamentu Jeral Estadu 2018.
- Atu hare dereitamente prosesu no progresu fisiku ba kondisaun eskolas sira nian nomos prosesu no progresu ensino no aprendijajem.
- Rejista no identifika problemas nebe mak iha assuntu edukasaun baziku.



**PARLAMENTO
NACIONAL**
República Democrática de Timor-Leste

Komisaun Edukasaun, Juventude, Kultura no Sidadania

II. Kompozisaun

Membrus Komisaun sira nebe mak Integra iha vizita ida ne'e;

- | | |
|--|------------------------------|
| 1. Deputada Albina Marçal Freitas | : Prezidente Komisaun (CNRT) |
| 2. Deputado Sabino Soares "Guntur" | : Vice-Prezidente (PLP) |
| 3. Deputado Gabriel Soares | : Sekretario/Relator (CNRT) |
| 4. Deputada Gabriela Alves | : Membro (FRETILIN) |
| 5. Deputado Domingos Lopes Lemos | : Membro (CNRT) |
| 6. Deputada Isabel Maria Barreto F.Ximenes | : Membro (FM) |
| 7. Deputada Ligia Filomena Coelho da Silva | : Membro (KHUNTO) |
| 8. Deputado António de Sá Benevides | : Membro (PUDD) |
| 9. Tekniku 2, jornalista 2, ho motorista 8 | |

III. Atividades

Molok atu halo vizita ba eskola sira, komisaun hala'o audiensia ho Autoridade Munisipiu no diresaun eskola sira iha munisipiu, maibe infelizmente Autoridade Munisipiu delega deit ninia agente administrasaun ne'ebé tuir irarkia la admite atu hala'o audiensia ho membru Parlamentu Nasional, komisaun G. Nune'e komisaun desidi Dereitamente ba terenu.

Aktividades nebe Komisaun halao mak hanesan tuir mai;

3.1. Vizita Eskola Basiko Filial Kamausa.

Tuir observasaun komisaun katak, Kondisaun eskola ladun diak, maibe iha konstrusaun foun ida no seluk tama ona ba planu orsamentu 2019 nian. Total turmas 11, total alunus 244, husi 1^o ano-6^o ano total professores 11, permanente 7, kontratadu 3 no voluntariu 1, laiha eskritoriu ba professores, mesa no kadeira la sufsiente, laiha moru atu proteje eskola. Implementasaun programa merenda eskolar iha fulan ida nia laran, nune'e mos fatin la favoravel hodi prepara merenda eskolar ba labarik sira.

Komisaun Edukasaun, Juventude, Kultura no Sidadania

3.2. Vizita Eskola Basiko Sentral Suai Loro

Eskola Sentral ne'e iha eskola filial tolu(3): eskola filial Kamanasa, Bancon no Laen Tolu.

- Kondisaun eskola Sentral diak
- Total alunus 663 husi 1^o ano- 9^o ano
- Total professores 30, permanente 14, kontratadu 5 no voluntariu nain1. Professor voluntariu ne'e professor nebe hanourin lingua ingles, habu husi 2012 to'o agora, durante hanourin iha EBC hodi konsensoens eskolar mak selu professor nee i agora dadaun tama iha lista kontratadu
- Merenda eskolar lao diak, husi 2018 merenda eskolar lora iha 20, implementa iha fulan 2 deit fulan fevereiru lora 10 i marsu lora 10, tanba laiha orsamentu. Merenda eskolar bazeia ba total alunus.
- Fatin hodi prepara merenda eskolar la diak, nune'e prejudika kondisaun saude labarik sira nian.
- Tinan 2018, iha planu konstrusaun ba edifisiu ida maibe to'o agora sidauk halo.
- EBC ne'e infrenta problema mak edifisiu hodi hala'o ensinu apredijajem
- Eskola basiku Sentral simu konsensoens eskolar dala rua ona iha kada fulan, maibe fulan Novembru ne'e EBC simu konsensoens eskolar ba fulan lima (5) nian.
- Orsamentu husi konsensoens eskolar haniutuk \$ 6.600 (seis mil e seissentos) ne'ebe mak uja hodi halo konstrusaun ba eskola 2, hanesan EBF kamanasa no EBC Suai loro.
- Iha be'e mos nebe hetan ajuda husi kompanhia Australianu.
- Laiha eskritoriu ba professores sira.
- Relasiona ba kurikulum lao diak, nune'e mos ba planu no programa sira.
- Laiha motorizada ba diretor eskola, durante halo kontrolu ba eskola filial sira diretor eskola uja deit ojek hodi hala'o sirkulasaun.

Eskola Basiko Filial Laen Tolu: kondisaun eskola ladiak, total alunus 35 husi 1^o ano too 3^o ano, tanba ne'e 4^o ano muda mai Sentral hodi tuir aulas. Iha EBF ne'e iha deit professor nain 1, ne'ebe difikulta prosesu apredijajem.



PARLAMENTO
NACIONAL
República Democrática de Timor-Leste

Komisaun Edukasaun, Juventude, Kultura no Sidadania

3.3 . Vizita Eskola Sentral Salele

Eskola Sentral ne'e abranga eskola filial tolu(3) hanesan EBF Salele, EBF Ai-Oan no EBF Koitau.

Eskola Sentral ho Kondisaun eskola diak, total alunus 494, husi 7^o ano- 9^o ano, total professores 21, permanente 20 i kontratadu 1, i guarda eskola 1. Total turmas salas 15, hetan kontribuisaun husi AP/ inan-aman hodi harii moru eskola, Konsensoens eskolar simu dala ida deit iha fulan Maiu, fulan Novembru simu fulan 5 nian, maibe la tuir total alunus. Presija aumenta tan sala 3, tanba laiha aula enkontru, no persija mos eskritoriu ba professores, laiha mobiliariu iha eskola refere.

Eskola Basiko Filial Salele ho kondisaun eskola la diak, total alunus 463 husi 1^o ano too 6^o ano total professores 14; permanente 13 i kontratadu 1 no merenda eskolar la lao, lao fulan ida deit. Total turma sala 8, konstrusaun ba eskola filial Salele tama iha planu 2019.

Eskola basiko Filial Ai-oan, kondisaun edifisiu diak, total alunus 227 husi 1^o ano too 6^o ano, total professores 7, total turma 8 salas, merenda escolar la lao.

3.4. Vizita eskola Teknika Vokasional Akar-Laran

Tuir Direktor Eskola Sekundariu Teknika Vokasional Akar-laran loke iha tinan 1990 iha tempu indonezia, depois ukun aan eskola ne'e hahu fali iha tinan 2004.

Eskola sekundariu Teknika Vokasional loke ho departamentu 4 hanesan: Departamentu Agraria, Komersiu, Peskaria no Turismu.

Atividades ba estudantes feto barak liu, sira kuda modo no aifunan, i atividades ba mane hare liu ba peskas nian.

Total estudantes ESTV Akar-laran 435 alunus, husi departamentu Agraria 104 alunus, departamentu Komersiu 35 alunus, departamentu Peskaria 127 alunus no departamentu Turismu 75 alunus, total professores 38, professores permanente 28, kontratadu 9 no voluntariu nainl. Total salas aprendijajem 16. Prekupsaun nebe mak sira infrenta tebes mak hanesan laiha



**PARLAMENTO
NACIONAL**
República Democrática de Timor-Leste

Komisaun Edukasaun, Juventude, Kultura no Sidadania

dormitóriu ba estudantes mane sira i dormitóriu ba estudantes feto la sufsiente, ho kondisaun ne'ebe ladun diak. ESTV Akar-laran persija rehabilitasaun ba fatin estudantes feto liu -liu fatin ba estudantes mane sira tanbá to'o agora laiha dormitoriu ba estudantes mane, nune'e difikulta sira nia atividades, iha aspetu teoriku no pratiku.

Laiha planu ba orsamentu tinan 2018 nian, maibe ESTV Akar Laran hein katak tinan 2019, iha orsamentu hodi bele halo rehabilitasaun. Tekvoc Akar Laran hare liu ba area agrikultura, nian tanba area agrikultura iha rai hectare 2. Tekvoc mos persija bero boot, tanbá durante nec fo importansia liu ba area peskaria nian, bainhira estudantes sira atu tun tasi sira tenki aluga fali bero kiik sira, hodi sira bele tun ba tasi, ho kondisaun ho situaun hirak ne'e bele prejudika sira nia vida.

Iha loron sesta-feira, 9 Novembru 2018, Komisaun halo vizita ba:

3.5. Vizita eskola basiko Sentral Taziilin Zumalai

Iha encontro ho Diretor escola refere, nia hato'o preokupasaun no susesu sira mak hanesan prosesu ensinu no aprendijajem la'o diak, tamba hetan inspeksaun husi inspetur eskolar

Total estudantes 465, total professores 17. Tuir observaun komisaun katak eskoal refere laiha muru hodi proteje eskola, tanba besik liu estrada, nune'e husu atu halo moru hodi evita asidenteba estudante sira. Preokupasaun husi diretor katak livrus ba planu la sufsiente ba professor sira ba primeiru siklu nian. Falta kardeneta ba alunus sira hahu husi 1^a ano- 5^a ano, 7^a- 8^a ano to'o agora. Realmente Ministeriu Edukasaun distribui ona, maibe la to'o ba alunus sira.

3.6. Vizita Eskola Basiko Filial NALA'OF

Eskola ne'e inisia iha tempu kolonia Portugues no kontinua iha IV Governu to'o agora, ho nia total alunus 31 no total professores nain 2. Tuir observaun komisaun iha terenu, kondisaun eskola ne'e at liu nebe uja bebak deit, sala aprendijajem la diak, kuandu tempu udan no anin boot, professores ho estudantes sira enfrenta difikuldades ba prosesu ensinu aprendijajem. Nune'e mos laiha beé mos no retrete/sintina. Eskola refere ho distansia 7 Km husi Vila no konsidera area remota.



**PARLAMENTO
NACIONAL**
República Democrática de Timor-Leste

Komisaun Edukasaun, Juventude, Kultura no Sidadania

3.7. Vizita Eskola basiko Filial Zulo-Zumalai

Vizita ne'e deputadus sira hala'o breve liu ba eskola refere, hafoin rona informasaun husi professor sira katak eskola ne'e ho total alunus 257, total professores 9. Tuir observasaun Komisaun iha eskola filial Zulo sala aprendijajem mak la sufsiente, EBF Zulo uja sala aprendijajem ba dader no lorokraik Teknikvokasional mak uja.

Konkluzaan no Rekomendasaun

4.1. Konkluzaan

- a. EBF Kamnasa iha kontrusaun foun ida, maibe laiha eskritoriu ba professores sira nomos persija halo moru eskola hodi bele porteje ambiente eskola.
- b. Eskola Central Suai Loro, diretor eskolar prekoupa tebes ho difikuldade nebe mak iha hanesan laiha motorizada ba diretor eskolar atu hodi bele halo kontrolu ba eskola filial sira.
- c. Eskola central salele persija aumenta tan sala 3, tanba laiha aula enkontru nomos laiha eskritoriu ba professores sira.
- d. Prekoupasaun boot tebes mak ESTV Akar-laran infrenta mak laiha toba fatin ba estudante mane nomos toba fatin ba estudante feto sira ho kondisaun ladun diak.
- e. Iha posto administrativu Zumalai iha eskola tolu mak hanesan EBC Taziilin Zumalai, EBF Nala'of no EBF Zulo persija tebes tau matan husi Ministeriu Edukasaun, tanba kondisaun eskola nebe aat liu.
- f. Presija halo estudu no avaliasaun ba programa Merenda Eskolar hodi buka hatene abut problema, jestaun no hadia qualidade merenda ba estudantes sira.

4.2. Rekomendasaun

- a. Rekomenda ba Ministeriu Edukasaun, atu tau atensaun ba pofessores sira nebe mak ho idade avansada.
- b. Rekomenda ba Ministeriu Edukasaun, atu rehabilita eskola baziku sira ne'ebé ho kondisaun desfavoravel.
- c. Rekomenda ba Ministeriu Edukasaun, atu distribui facilidades hanesan kadeira, mesa no armariu ba eskolas sira, hodi labele difikulta prosesu ensinu no aprendijajem.
- d. Rekomenda ba Ministeriu Edukasaun, atu tau maximu atensaun ba eskolas tekniku vokasional sira.

Komisaun Edukasaun, Juventude, Kultura no Sidania

- e. Rekomenda mos ba Ministeriu Edukasaun, atu harii fatin diak hodi prepara merenda eskolar, tanba durante ne'e fatin ba merenda eskolar ladun diak.

V. Aprovasaun

Relatorio ne'e hetan ona aprovasaun iha loron 17 janeiru 2019, 10h30 OTL, iha Sala Komisaun G Parlamentu Nasional. Aprovasaun ne'e hetan partisipasaun husi membrus komisaun nain 6, ho rezultadu aprovasaun, afavor: tolu (3); kontra: zero (0); abstensaun: tolu(0).

VI. Lian Ikus


Ida ne'e mak relatório fiskalizaun ba Munisipiu Covalima no husu ba partes kompetentes atu fo konsiderasaun.

Dili, 17 Janeiru 2019,

Albina Marçal Freitas


Presidente Komisaun

Gabriel Soares


Relator